



Reykjavíkurborg
Skóla- og frístundasvið



Laufásborg

2022 – 2023



Framtíðarsýn skóla og frístundasviðs:

Í kraftmiklu skóla- og frístundastarfi öðlast börn og unglingar menntun og reynslu til að láta drauma sína rætast og hafa jákvæð áhrif á umhverfi og samfélag.



Efnisyfirlit

Leiðarljós leikskólans.....	4
1 Greinargerð leikskólastýru.....	4
2 Innra og ytra mat leikskólans fyrir 2021-2022	9
6 Starfsþróunarsamtöl og fræðsla	9
7 Samstarf leikskóla, grunnskóla og frístundamiðstöðva	10
8 Foreldrasamvinna	10
9 Skipulagsdagar og leikskóladagatal	10
10 Umsögn foreldraráðs.....	10



Leiðarljós leikskólans

1 Greinargerð leikskólastýru

Við þökkum fyrir viljann, seigluna og einlæga ásetninginn okkar að gera góðan skóla á degi hverjum fyrir börn og þar með fjölskyldur og okkur sjálf.


Þakklæti er það sem stendur upp úr eftir skólaárið 2021-2022. Þakklæti fyrir baklandið okkar sem fjölskyldurnar eru, þakklát fyrir að Sumarhátíðin okkar var haldin, þakklæti fyrir að hafa tekist að sigla skólanum í höfn þegar á reyndi. Við tókum einn dag í einu, náðum að hafa opið þegar við gátum haft lokað með leyfi yfirvalda til að mæta foreldrum og þeirra fjarvistum vegna sóttkví. Við höfðum það vinnulag að ef foreldrar fóru í sóttkví þá hringdum við í þau, það kom líka í ljós hvað það var dýrmætt fyrir okkur öll, engin er í sömu aðstæðum, öll erum við ólík og með ólíkar þarfir. Það var mikilvægt fyrir okkur. Við hjálpuðumst að við að halda fullum gæðum þegar við vorum fáliðuð og þá kemur svo vel í ljós hvað við erum sterk eining, ramminn okkar og vinnulag og stefna vinnur með okkur. Eins og foreldrakönnunin ber okkur vitni um, vorum með skólann í góðum gæðum. Það er líka okkar mat og samantektin okkar um Laufásborg sem við unnum með Guðfinnu Bjarnadóttur fyrir Hjallastefnuna ber þess vitni, en þar rýndum við í starfið okkar, okkur sem hóp og fyrir hvað við stöndum og að okkar mati hvað er á bak við gæðin okkar í starfinu á Laufásborg. Við erum afskaplega stolt. Við fengum þær stöllur frá Ytra mati til okkar í febrúar þegar mest á reyndi og sögðu þær að ef þær hefðu ekki séð fjarvistirnar á skipulagstöflunni okkar niðri hefði þeim ekki grunað það að við værum fáliðuð. Það eru meðmæli. Við fengum líka alla þætti á grænu hjá þeim sem okkur þótti afrek í þessum aðstæðum og covid verið í tvö ár. Þannig að gögnin okkar í vetur frá; Ytra mati, foreldrum og okkur sjálfum tala sínu máli. Það er okkar starfsáætlun fyrir skólaárið 2021-2022.

Fyrirtækið Compass light (<http://compasslight.com/>) tók upp 17 mínútna mynd um skákkennsluna á Laufásborg. Upptökur fóru fram í janúar og febrúar 2022. Einnig vorum við í upptökum fyrir heimildarmynd sem verið er að gera um Íslenskan kveðskap. Við höfum 14 ára reynslu af því að kenna kveðskap og hefur starfið þróast farssællaga undir leiðsögn Steindórs Andersens kvæðamanns.

Við fórum í samstarf við Öldu Lóu Leifsdóttur um handgerðar kaldpressaðar sápur. Hér er góður texti um það þróunarsamstarf okkar. <https://laufasborg.hjalli.is/Throunarverkefni/Sapugerd>

Við fórum líka í samstarf við móður, Dagbjörtu Gunnarsdóttur, myndlistakonu og fatahönnuð um að þróa leikefni sem er skemmtilegt textílverk og opin efniviður fyrir yngstu sem felur í sér að hægt er að

„bjástra við það“. Þetta eru efnisbútar með allskonar til að smella og renna og böndum og fl. Mjög skemmtilegt og við höldum áfram að þróa þetta saman þar sem þetta gefur endalausta möguleika og æfir börnin mjög mikið í fínhyrningum og um leið í alvöru verkefnum. Dagbjört er að sækja um þróunarstyrk til að geta tekið þessa hugmynd lengar sem er gleðilegt.



Gestagangur er mikill á Laufásborg en við fáum fjölmargar heimsóknir frá fréttastofum, blaðamönnum, kennaranemum, erlendum skólum.

Framundan er nýtt skólaár 2022-2023 og við TENGJUM. Það finnst okkur mikilvægt í dag. Við fögnum því að tengja, að bjóða foreldrum upp á kynningarkvöld á skólanum, fimm ára náminu, fjölgum Örnámskeiðskvöldum, bjóðum í afmæli Laufásborgar í samvinnu við foreldrafélagið, við erum með foreldradaga haust og vor, við erum með Ljósahátíð og Sumarhátíð í samvinnu við foreldrafélagið. Við fögnum því að geta farið og gert skemmtilega hluti eins og orkukvöld, námskeið og starfsfólks og fjölskylduferðir kennara. Við fáum listaverk að gjöf á útvegg frá foreldri sem er listakona. Við þökkum fyrir framkvæmdirnar sem eru miklar, allt ytra byrgði hússins og þak er lagað. Inni er málað og verður áframhaldið á þessu skólaári. Viðhald er mikið. Við höfum líka endurnýjað leikefni að miklu leyti. Við erum bæði að taka upp myndband með foreldri um tónlistaruppeldið og einnig ætlum við taka saman gögn fyrir nýja foreldra sem hafa safnast eins og góður fjársjóður í gegnum árin.

Farsældarlögin. Það er kennari sem er að ljúka meistaranámi í sérkennslu í vor og hluti af því námi er námskeið í barnavernd þar sem lögð er áhersla á að kynnast vel nýju farsældarlögunum. Við munum fá kynningu frá vinkonu á nýju lögunum. Við erum að koma sterkar inn í sérkennslu með Þórhöllu Guðmundsdóttur sérkennsluráðgjafa sem okkar ráðgjafa fyrir öll börn. Við fögnum því. Við erum komin í samstarf við Tinnu Sigurðardóttur talmeinafræðing um þjónustu beint við okkar börn og er það dýrmætur liðsauki. Kolbrún Björk Jensínudóttir barnasálfræðingur er innan okkar raða líka. Farsældarlögin snúast um að grípa börnin og er það okkar mat að hvert og eitt okkar er að grípa börnin með okkar skipulagi og þekkingu í skólanum, við erum sterkur faghópur sem hefur starfað lengi og lært mikið.

Við fáum aftur til okkar Kristínu Sigurðardóttur bráða og slysalækni með framhaldsnámskeið frá því í fyrra um streitu og seiglu. Hún mun tvinnna saman við þetta samskipti og tengsl. Annars er endurmenntun fjölbreytt en það sem við ákváðum í upphafi skólaárs er að hafa orku og hópefliskvöld það væru okkar leið á þessu skólaári. Efla okkur. Við förum í menningar- og fræðsluferð til Jórdaníu 4-13 apríl. Við viljum víkka sjóndeildarhring okkar og kynnast öðrum menningarheimum, það teljum við að efli okkur sem hóp og kenni okkur mikið. Í boði er fyrir þau börn sem æfa skák að fara á Heimsmeistaramótið í skólaskák, þar tefla okkar börn við börn á grunnskólaaldri í Grikklandi í apríl og erum við eini leikskólinn í heiminum sem hefur keppt á slíkum mótum. Við förum í vorferð á vegum skólans og líka á vegum skemmtinefndar skólans.

Við erum að panta djembe trommur sem við fáum frá Gínea í Afríku og ætlar foreldrafélagið að borga með okkur í trommunum. Það er til að efla tónlistarstarfið í skólanum. Söngskólinn í Reykjavík og við erum komin í samstarf sem er í mótun. Eldri barna starfið er í miklu samstarfi við söfnin í borginni. Menning og tónlist er stór hluti af okkur. Við fáum til okkar barnaóperu, Maximus Músíkús Músíkmús kemur tvisvar til okkar yfir árið.






Jensína Edda Hermannsdóttir

15 Jul · 📷

15.7 ❤️ Hjartans þakkir elsku hjallaljós fyrir einstakt skólaár ❤️🙏💪👏🏆
How you do anything is how you do everything ❤️ Zen buddismi.

Það er mikill vilji, ásetningur og seigla að skapa góðan skóla á degi hverjum og það höfum við sannarlega sýnt ❤️ mætt hverjum degi með þakklæti og gleði ❤️ sem er gjöf að geta ❤️ það er styrkur sem við eigum ❤️

Hjartans þakkir enn og aftur kæru vinkonur og vinir ❤️ get ekki lýst fullvel hvað ég er þakklát fyrir Hamingjuhöllina ❤️🏆
TAKK



Í upphafi hvers dags, setjum við inn „töfluna“ eins og sést hér á myndinni fyrir neðan. Þetta er skipulagstafla Laufásborgar sem hefur verið notuð í mörg ár, hún þróast með okkur og er aðlöguð eftir þörfum. Þetta er tól sem er gríðarlega hjálplegt við skipulagningu og „mönnum og kvennum“, þetta gefur okkur yfirsýn fyrir hvern dag og við sjáum svart á hvítu hvar áherslur þurfa að vera þann daginn. Við erum alla daga alltaf að koma inn með praktískar upplýsingar, hvetjandi og fagleg innleg þar sem við æfum þakklæti og minnum okkur á.



Á skólaárinu 2022-2023 ætlum við að fagna 70 ára afmælinu sem við áætluðum að gera í fyrra en afmælisárið er í ár. Skrúðganga og veisla verður í vor og í haust verður daginn tekin með fögnuði. Við fáum afmælistöku frá foreldrum, bjóðum foreldrum í heitt súkkulaði út í garði í lok dags, Söngskólinn gleður okkar með fallegri tónlistarsýningu. Við ætlum að fara dýpra í jafnréttisnámið okkar, lífið er breytingum háð og því er mikilvægt að við séum stöðugt að uppfæra okkur í okkar jafnréttisnámi sem Hjallastefnan hverfist um. Þetta er sautjándi skólaárið okkar Hjallastefnunnar á Laufásborg. Í sumar byrjuðu framkvæmdir við húsið og finnst okkur það falleg gjöf til Hamingjuhallarinnar, að vera til þýði og standa stolt í þingholtunum okkur öllum til mikils sóma. Við erum að gera ýmislegt skemmtilegt í tilefni af afmælinu sem bæði við og foreldrar komum að.

Efni fyrir nýja foreldra. Við erum að taka saman efni sem hefur safnast í áranna rá og er fræðslupakki með þeim þáttum sem að okkar mati er mikilvægt að foreldrar fái.

Við erum í samstarfi við foreldri að gera þátt um tónlistina á Laufásborg Hjallaljós production köllum við það. Við viljum draga fram sérstöðuna okkar í tónlistinni, einnig viljum við gera henni skil þar sem tónlistaruppeldið er töluvert. Við tengjum þetta verkefni við 70 ára afmæli Laufásborgar og Þórhildur fyrsta skólastýran lagði ofuráherslu á vandað tónlistarnám sem á við enn í dag. Það finnst okkur fallegur þráður.

Þetta listaverk gaf Rán Flygenring skólanum að gjöf. Þetta er gjöf sem gleður. Hér er verið að minna á að bílar í gangi menga og snilldin ein hvað það er gert á fallegan hátt. Algjörlega til fyrirmyndar. Við erum mjög þakklát fyrir þetta fallega framlag þeirra mæðginna en sonur Ránar og nemandi teiknaði með móður sinni. Þetta er hugmynd sem kom fram í vor 2022 og unnin núna í október lok 2022.



2 Innra og ytra mat leikskólans fyrir 2021-2022

Við erum ekki að fylla út eyðublöðin þetta árið. Við skiluðum öðrum gögnum þar á meðal ytra mati Menntamálastofnunar og vinnu sem unnið var með Guðfinnu Bjarnadóttur, stofnandi Háskólans í Reykjavík (sjá fylgiskjal: Laufásborg okkar rýni). Takk fyrir.

6 Starfsþróunarsamtöl og fræðsla

Líkt og í fyrra þá höfum við valið fyrir okkar skóla að þróa nýjar leiðir með starfsþróunarsamtölin. Þessi þróun er ekki ný af nálinni heldur hefur aðdragandinn átt sér stað um árabil. Jafningafræðsla: Við erum til staðar fyrir hvert annað í leik og starfi og veljum að vera hjartamenntandi og mannbætandi manneskjur. Í starfsmannahópnum okkar ríkir mikið traust og þekking hópstjóranna er mikil og fjölbreytt. Ef það er eitthvað sem liggur okkur á hjarta þá tökum við samtalið strax og við erum lausnamiðuð í okkar málum. „Við björgum málunum“. Þetta er sú nálgun sem gefur gæfumuninn. Það hefur leitt til þess að það er stöðug þróun og starfsmannahópurinn er með puttan á púlsinum. Samtalið er uppbyggilegt og við erum stuðningur við hvert annað, það er hvatning, þakklæti fyrir vel unnin störf, speglun, fræðsla, kærleiksrík gagnrýni þar sem við skoðum af heiðarleika hvað það er sem er að trufla eða við viljum bæta. Þannig erum við allan daginn, alla daga í mannrækt/kvennrækt og geðrækt og iðkum þakklæti og trúum á æfinguna. Af heiðarleika styðjum við hvert annað til að vaxa sem einstaklingar og verða þar með betri kennarar fyrir börnin. Við látum gott af okkur leiða og erum kærleiksríkar fyrirmyndir fyrir börn og fjölskyldur. Við höldum Laufásborgarhjartanu gangandi og fjölskyldur og börnin fylgja þessum kærleiksríka takti. Hjá okkur snýst skólinn um mannauðinn. Skólinn er fólkið sem er þar. Við erum alltaf að þroskast og þróast saman og það er hagur okkar allra að við séum hvert og eitt okkar að blómstra í lífi og stafi. Þegar þroskinn er komin þangað í hópnum að fræðsla og starfsþróun er orðin stöðugt lærdómsferli þá er það okkar mat að föst viðtöl eiga ekki lengur við. Mannauðurinn skapar þar með ákveðið samkeppnisforskot og það er eftirsóknarvert að ná þeim stað. Hljýja, jákvæðni og traust eru einkennandi fyrir starfsandann á Laufásborg og við treystum hvert öðru.

Á hverju hausti er haustráðstefna Hjallastefnunnar þar sem starfsfólk úr öllum skólum Hjallastefnunnar og af öllu landinu kemur saman og fræðist um ýmsa þætti tengda hjallískum starfsháttum. Mikil fræðsla var í boði á haustráðstefnunni og völdu kennarar fyrirlestra og námskeið eftir áhugasviði. Dæmi um það sem var í boði:

Við höldum starfsfólksfundi þar sem við skerpum á hjallískum fræðum og förum í sjálfstýrkjandi æfingar.



7 Samstarf leikskóla, grunnskóla og frístundamiðstöðva

Laufásborg er í góðu samstarfi við Barnaskóla Hjallastefnunnar í Reykjavík. Við förum reglulega í heimsókn á sex ára kjarna. Covid hafði því miður áhrif og heimsóknir ekki eins margar og við hefðum viljað. Fimm ára börnin okkar fá að taka þátt í Barnaskólastarfinu, bæði í hópatímum í daglegri dagskrá og með því að fara í einfaldari útgáfu af þeim smiðjum sem grunnskólabörnum er boðið uppá, til dæmis, listgreinasmiðja, stjörnufræði og heimilisfræði. Fimm ára börnin okkar eru því vel undirbúin ef foreldrar velja Barnaskóla Reykjavíkur.

Mikil aðsókn er á Laufásborg og koma börnin allstaðar að, við höfum því ekki tök á að heimsækja alla þá grunnskóla sem börnin fara í eftir leikskólagöngu hjá okkur. Foreldrar hafa heimsótt sína hverfisskóla með börnunum sem fara þangað með góðum árangri.

8 Foreldrasamvinna

Við höfum samstarf við foreldra og fjölskyldur leikskólabarna í öndvegi. Foreldrar eru alltaf velkomnir í skólann, hvort sem það er til að fylgjast með starfinu eða hitta kennarana. Tvisvar á ári stendur Foreldrafélag skólans fyrir viðburðum fyrir öll börn skólans og fjölskyldur þeirra. Þetta er sumarhátíðin okkar sem er í byrjun júlí og ljósahátíðin sem er að vetri til.

Foreldrafélag skólans vinnur náið með skólanum í allri þróun og stendur meðal annars fyrir ýmsum skemmtilegum viðburðum fyrir börn og fjölskyldur.

9 Skipulagsdagar og leikskóladagatal

Við höfum sett alla frídaga, námskeið, örnámskeið, fræðslukvöld á vegum Foreldrafélagsins, leikrit á aðventunni fyrir börnin, Barnamenningarhátíð og ýmislegt fleira og annað inn á skóladagatalið okkar og er það aðgengilegt öllum foreldrum og kennurum á heimasíðunni. Við höldum áfram með örnámskeiðin okkar sem hafa verið mikið sótt síðust árin. Jensína Edda og Arna Guðrún hafa umsjón með þeim. Foreldrafélagið stendur fyrir fræðslukvöldum fyrir foreldra.

10 Umsögn foreldraráðs

Samkvæmt lögum um leikskóla 2008, IV kafli, 11 grein er starfandi foreldraráð á Laufásborg. Í því sitja Agnes Jóhannsdóttir, móðir stelpu á yngri stúlnakjarna, Ásta Einarsdóttir, móðir stúlku á eldri stúlnakjarna og dreng á yngri drengjakjarna og Kolbrún Björk Jensínudóttir, móðir stúlku á eldri stúlnakjarna. Foreldraráð hefur sett sér eftirfarandi starfsreglur:

1) Fundir skulu vera haldnir 4 sinnum á ári. 1. september, 1. desember, 1. mars og 1. júní.

a) Sjá skal til þess að allir meðlimir foreldraráðs sitji fundina. Ef forföll verða þá skal fundi frestað um viku.

b) Ásta Einarsdóttir, ritari, sér um að halda utan um fundi

2) Gefa skal umsögn árlega varðandi allt skólastarf, framkvæmd skólanámskrárinnar og annarra áætlanna sem kunna að koma til.

a) Bjóða skal til kynningu amk árlega þar sem skólanámskrá og áætlanir eru kynntar fyrir foreldrum. Boðið skal til kynningarinnar með því að senda öllum foreldrum skólans tölvupóst en einnig skal setja till kynningu upp í fataklefa hvers kjarna fyrir sig.

b) Ef upp koma álitamál varðandi skólanámskrá skal formaður foreldraráðs (Agnes Jóhannsdóttir) láta leikskólastýru Laufásborgar vita eigi síðar en 5 dögum eftir síðasta fund hver andmæli og/eða úrbætur við höfum til að leggja sem foreldraráð Laufásborgar.

Umsögn foreldraráðs vegna skólanámskrá Laufásborgar og annarra áætlana:

Athugasemdir

1. Orðalag varðandi kynin:

a. Bæta úr orðalagi starfsáætlunarinnar þar sem er talað um stúlkur og drengi. En hugmynd af úrbætum gæti verið til að bæta við stálp (Drengur, Stúlka, Stálp).

Foreldraráð telur skólanámskránnar vera mjög metnaðarfulla og skín það í gegn í daglegu strafi. Engar frekari athugasemdir frá foreldraráði eru varðandi skólanámskrá og aðrar áætlanir. Foreldraráð telur ánægju foreldra og barna endurspeglast í aðsókn að skóla og orðspori hans.

Skólanámskrá Laufásborgar er því samþykkt af foreldraráði.

